



**Quæstionum Canonicarum, In Quinque Libros  
Decretalium, Tomus ...**

In Librum I. Decretrialium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

§. II. De Jure positivo.

---

[urn:nbn:de:hbz:466:1-73031](#)

extensione, restrictione &c. plurimæ resolutiones dependent) tractatum hujus tituli de Constitut. in duas partes dividimus, acturi in 1. de lege in communi; in 2. de legibus in particulari.

## ARTICULUS I.

## De Jure in genere.

**23** *Jus* in genere multiplicem acceptio nem habet. Nam 1. significat *justum* generatim, sic, ut idem sit, ac *legitimum* & *recte rationi consonum*; quo sensu omne virtutis opus *jus*, & *justum* dicitur; *specialiter* autem acceptum, supponit 1. pro jure passivè sumpto, ut mox dicemus; 2. Pro arte boni, & aequi, seu scientia iurium, atque legum, & dicitur jurisprudentia, & L. 1. ff. de origine juris, definitur: *ars boni, & aequi*, seu *justi*, atque *injusti* *scientia*. 3. Pro loco judicij, hinc quis dicitur *in jus vocari, in jure comparere*, hoc est, in loco ubi judicium exercetur. 4. Pro sententia judicis. Nam hujus est, *jus dicere*, seu sententiam ferre. 5. Specialiter pro facultate legitima, directè, & formaliter percipiendi commodum libertatis propriæ ex usu alicuius rei, & sic sumitur *jus activè*; id verò, quod titulo ejusmodi facultatis in ipso residentis, ipsi debetur, vocatur *jus passivè sumptum*, seu *debitum*: de jure sic accepto agunt Theologi in 2. 2. D. Thomæ, & à nobis expositum est olim in impresso brevi tractatu Theolog. de Jure & Just. q. 1. n. 6. Cum primis autem supponit hic pro lege tum naturali, & divina; tum humana; inde dicitur *jus naturale*, *jus divinum*, *jus humanum*: sic acceptum *jus*, varium est, & multiplex, sicut ipsæ leges; & de jure sic accepto, secundum quod restrin gitur ad *leges Ecclesiasticas*, in jure Canonico agitur. Quoniam autem frequens mentio incidit *juris*, non modò naturalis, & Divini; sed etiam Civilis, & Ecclesiastici, seu Canonici, de singulis aliqua præmitti debent.

## §. I.

## De Jure naturali.

**24** *Jus naturale*, juxta Suarez de legibus l. 2. c. 4. d. 2. n. 9. est *hominis conscientia*, re Tom. I.

cta præcipiens, & prava prohibens, fundata (ut ait Lessius de Jure & Just. l. 2. c. 2. d. 2. n. 9.) in natura rationali, & naturali condicione operū, atq. adeò in ipsis rerum naturis; non in libera alicuius voluntate. Hinc Ernricus Pithing in Prolegomeno Juris Can. n. 8. *Jus naturæ* inquit, non oritur formaliter ex ulla voluntate superioris; sed habetur ex ipsa natura objectorum, & actuum disconvenientium naturæ rationali, quæ tali, & fundat in qualibet natura rationali, etiam divina, obligationem non ponendi aliquid, ipsi dissonum. Et ideo in tract. de vitijs, & peccatis olim docui, dari quosdam actus (ut *mentiri*, *odisse*, & *blasphemare Deum*) qui mali sunt antecedenter ad omne *jus positivum*; nec ideo malos, quia prohibiti; sed, ideo prohibitos quia de se mali sunt, malitia fundamentali.

Juris Consulti, *jus naturale*, sic definitum, vocant secundarium, constituentes *jus naturale*, *primevum* in eo, quod *natura omnia animalia docuit*, ut dicitur in principio Institut. de jure naturali, & gentium; hoc est, ex instinctu, & inclinacione nobis communis cum brutis, ut est, maris, & feminæ conjunctio; liberorum procreatio, & educatio; hinc *jus naturale primevum*, secundum juris peritos, est ipse instinctus, & propensio naturæ sensitiva, quæ hominibus cum brutis animalibus communis est. Verum in ista locutione Juris-consultus dicitur *craffius*, & liberius accepisse *jus naturale*, teste Schneidewin. l. 1. Instit. tit. 2. n. 2. Nam *jus propriæ*, naturam *rationalem* respicit; cum alios gravet, & obliget; alios autem in agendō, vel omittendō, dirigit. Quare cum Theologis *jus naturale propriæ* aliud non est, quam naturale lumen intellectus nostri, nobis inditum à Deo cum ipsa natura rationali; & propterea etiam dicitur *jus naturale participatum* à ratione divina, quæ est *jus naturale divinum*, & *imparticipatum*.

## §. II.

## De Jure positivo.

**25** *JUS positivum* dicitur, quod non ex natura rerum, sed ex libera Dei, vel hominum voluntate penderet, & vim obtinet,

net. Hinc jus positivum aliud est *divinum à Dei*; aliud humanum ab hominum voluntate. Et quidem *humanum*, aliud est *Ecclesiasticum*, si pendet à voluntate potestatis Ecclesiastice; aliud *laicum*, seu *seculare*, quod à potestate seculari. Si jus agat de his, quae principaliter, & directè pertinent ad statum Reipublicæ, seu imperij Romani (qui consistit in *sacris*, in *Sacerdotibus*, & *Magistratibus*) adeoque tractet de Religione, de Magistratibus, & generatim de omnibus, quae ad publicam utilitatem talis reipublicæ spectant, dicitur *jus publicum*: Si verò de privata utilitate singulorum, eorumque temporali pace, ac salute; dicitur *jus privatum*, licet consequenter id ipsum redundet in publicam utilitatem; ita communis cum Caspero Manzio in tract. de *Ortu, & Progressu Imperij Romani l. 1. de Jure publ. Q. 1.*

**27** Ad jus positivum aliqui reducunt jus gentium, dictum ab Imperatore, *quod naturalis ratio, inter omnes gentes, constituit, & apud omnes populos peræquè custoditur, ac observatur; sive, quod omni humano generi, illique sibi, commune est, dicitur jus gentium;* quia eo jure omnes gentes utuntur. Juris gentium esse dicitur Religio in Deum; pietas, & observantia erga parentes, & patriam: hoc jus (seu leges, & regulæ agendorum, vel omittendorum, communes propè omnibus gentibus) duplex est. Nam aliud est, quod naturalis ratio apud omnes gentes constituit, nullâ utilitatis, vel necessitatis causâ urgente; sed, quia sic agenda, vel omittenda, in se spectata, simpliciter bona visa sunt; at sic potius pertinet ad jus naturale (talia sunt religio in Deum, pietas, & observantia in parentes & patriam) aliud verò est, quod quidem naturalis ratio dictavit, eo, quod illa agenda, vel omittenda, de quibus præcipit, non ex se, sed necessitatibus hominum sic exigentibus, vel alijs causis, & utilitatibus sic suadentibus, judicium rationis apud omnes gentes constituerit. Hoc jus gentium, legistæ vocant *secundarium*; illud, *primarium*, seu *primævum*. Ad secundarium jus gentium (quod in re proprie est jus gentium, cum primævum à jure naturali secundario non differat) pertinet divisio dominiorum, coercitiones cri-

minum, bella, captivitates, & illæ leges, seu regulæ, qua super his aliquid disponunt; & omnes propè contractus.

Ex dictis colliges 1. jus naturale à jure gentium à nobis definito, & quovis alio jure positivo differre. Nam illud per se loquendō, & naturā sua est immutabile; hoc autem mutari potest non tantum per accidens, ratione objecti, vel materiæ mutatae; sed etiam per se; quamvis omnes circumstantiae, cum quibus antea obligabat, cædem maneat, cum pendeat à libera legislatoris voluntate. Colliges 2. Consuetudinem, quae usu, & moribus populi, vel majoris partis ex aliqua communitate introducta est, & vim legis obtinet ad distinctionem aliorum jurium, atque legum, quae scripto conceduntur, vocari *jus non scriptum*, seu *consuetudinem*. Quia verò jus positivum aliud est Ecclesiasticum, aliud seculare ex n. 26. de utroque dicendum est.

### §. III.

#### De Jure seculari, seu civili.

**B**ecanus in 1. 2. tract. 3. c. 6 q. 9. n. 6. 29 (postquam dixisset, divisionem juris variam esse, & 1. si sumatur ab objecto, & fine, dividi in *jus publicum*, quod principaliter spectat ad salutem, & felicitatem publicam, nimis populi, & in *privatum*, quod in bonum privatorum generatim; 2. ab origine, in jus naturale, quod originem suam habet à natura; *divinum*, quod immediate à Deo; *humanum* quod ab homine. 3. A forma in jus scriptum, & non scriptum; illud scripturâ, non istud, constare, sed usu pro lege recepto) subjungit tandem, *jus civile* variè sumi: & quidem 1. pro eo, quod quilibet civitas sibi proprium constituit; sic dicitur *jus civile Romanum*, scilicet *cum addito*; & sic opponitur juri gentium, quod omnibus gentibus commune est. 2. Ut opponitur juri canonico, & sic supponit pro omni jure, quod statuitur à Magistratu seculari, sive apud omnes, sive apud aliquem tantum ym habeat. 3. Ut opponitur juri prætorio, quod ex autoritate Prætoris descendit, de quo dicemus infra a n. 34. Hic potissimum *jus civile* sumimus pro eo, quod oppo-